

DEPORTE

BON DIA

Aruba

Taekwondo a gana 3 oro y 1 plata na Puerto Rico

Dialuna anochi, Presidente di Aruba Taekwondo Bond, Guaicaipuro Jimenez, a bay ricibi cu un bouquet di flor, nos atletanan di seleccion Cadet y Junior cu a bay representa Aruba den Open di Puerto Rico, organisa pa Los Brujos del Taekwondo fei dia 17 pa 19 di april 2015, na e ciudad di Guayama, Puerto Rico.

E delegacion di Aruba tabata conforma pa coach, Prof. Teófilo Rodríguez, dos atleta femenino Cadet: Sophia Petrocchi y Chiara Petrocchi, y un atleta junior Giangelo "Angelo" Rodríguez. E Open di Puerto Rico a conta cu atletanan di Area di Caribe y Sur America manera: Republica Dominicana, USA, Virgins



Islands, Mexico, Venezuela, y Puerto Rico. E competencia a tuma luga den Coliseo Dr. Roque Nido Stella na e Ciudad de Guayama.

E atleta Sophia Petrocchi a bringa e prome pelea contra USA, na unda Sophia a gana cu e score di 12 - 6. E di 2 pelea Sophia a bringa cu Puerto Rico na unda cu e

la gana cu e score di 24 - 3. Esaki tabata suficiente pa bin Aruba cu Gold Medal.

E di dos representante di Aruba, Chiara Petrocchi, a bringa e prome pelea contra Puerto Rico y a gana cu score di 16 - 2. E di dos wega e la bolbe bringa cu Puerto Rico na unda e la gana cu e score di 10 - 6. E di 3 biaha tawata e wega di desivicion na unda cu Chiara a perde contra Republica Dominicana cu e score di 0 - 3. Chiara a bin cu 1 Gold Medal y 1 Silver Medal.

E atleta Junior, Angelo Rodríguez a bringa contra Republica Dominicana na unda cu Angelo a gana cu e score di



14 - 1. E di dos pelea, Angelo a bringa contra Puerto Rico na unda e la gana cu e score di 13 - 4. Angelo tambe a bin Aruba cu 1 Gold Medal.

Tambe nos entrenando di Seleccion, Prof. Teófilo Rodríguez a wordo reconoci pa Honorabel Alcalde Eduardo E. Cintrón Suarez di Guayama, Puerto Rico, pa e trabou constante den deporte di Taekwondo.

Aruba Taekwondo Bond kier a manda un palabra di pabien pa nos atletanan di Aruba cu a participa den Open di Puerto Rico.

ARTBO ta yama danki na Comision di Subsidio y" Lotto Pa Deporte pa soporta financiero di nos delegacion durante e campeonato aki. Nos ta hopi contento y satisfecho cu e resultado cu Aruba a bin cu ne". Masha pabien y sigui cu e bon trabao cu cada un di boso nan ta haciendo. □



Lotto

"Pabien na atletanan di taekwondo cu a logra varios medaya di oro na Puerto Rico"

cu Aruba a wordo representa pa e atletanan Chiara y Sophia Petrocchi como tambe Angelo Rodríguez, mientras cu Theo Rodríguez a fungi como nan coach.

Durante di e competencia aki nos atletanan di taekwondo a midi forza contra atletanan di paisnan fuerte manera Merca, US Virgen Island, Mexico, Venezuela y Puerto Rico. Pa loke ta e resultadonan esaki tabata uno satisfactorio mirando cu tur tres atleta a logra subi e podium na Puerto Rico.

Cada atleta a bringa dos pelea unda e atleta femenino Sophia Petrocchi a gana su

promer pelea 12 - 6 contra Merca, mientras den e di dos pelea, Sophia a triunfa contra di Puerto Rico cu e score grandi di 24 - 3. Su ruman muhe Chiara Petrocchi a bringa contra di Puerto Rico y a gana 16 - 2 mientras cu den su dos pelea Chiara a gana cu e score di 10 - 6 contra di Merca.

Notabel ta cu Chiara a bringa un combati di exhibicion contra Santo Domingo unda el a cay venci cu e score di 3 - 0 y keda cu e plata.

Por ultimo e taekwondista masculino Angelo Rodríguez a gana tur dos su combati nan. Den su promer pelea el a



vence su contrincante di Santo Domingo 14 - 1, mientras den su di dos pelea e la gana Puerto Rico 13 - 4. E federacion di taekwondo, ARTBO sigur por ta super orguyoso di su alumnonan.

Un danki sigur na Lotto, "e Loteria di Aruba pa medio di Comision di Subsidio cu a subsidia e seleccion hubenil di taekwondo pa por a competi den e evento internacional di taekwondo na Guayama, Puerto Rico". □



ORANJESTAD - Siman pasa un seleccion hubenil den e deporte di taekwondo a biaha pa e ciudad di Guayama, Puerto Rico, unda nan a competi den e evento internacional di taekwondo yama Los Brujos del Taekwondo.

Esaki den conexion cu e celebracion di e di 15 aniversario di dicho torneo. Mester bisa